

南康縣志

卷

五
兵制 武事 秩官
名宦 封爵

南康縣志卷之五

兵制

兵可百年不用不可一日不備自兵與民分而衛民之責綦重矣南康地當孔道喉粵肘虔歷代兵防之制史闕難稽

國朝特設南安營置參將握重兵於大庾而分兵以守南康則詰奸禁暴不誠賴得其人哉

南安府原設右協一營額設副將一員中軍守備一員千總二員把總四員目兵一千名內撥千總一員兵五十名駐防南康又自南安至贛州交界地名三江口止沿河一帶分設水塘九所每塘派撥目兵一十五名駐防專撥把總一員沿河巡防康熙九年南安營改設參將

南康縣設立千總一員統轄汎塘兵一百零七名

府志近

因通營查汰每塘目兵卽以在縣營弁督之康熙三十

一年新增三塘南康界內共設九塘每塘分撥防兵

舊志

嘉慶二十年奉裁兵丁十名

王志成二十二年誤

道光十二年裁

二名二十二年裁二名實在防守兵丁九十三名

新志增

駐防千總一員

防守兵丁九十三名

分防相安汎外委一員

兵八名

由縣汎派撥舊志作四名誤

南康地當水陸要衝防守官兵總轄南安營參將麾下

駐防營署在縣城南門公館舊址官則輪年更換兵則

專守又水路二十里一塘南康界內共設九塘分兵防

守詰奸戢盜操練比射皆有成法

舊志

較場在東門外半里許東南至河西至民居北接民園東

北隅建演武亭一所軒堂四門屋二重舊制每歲霜降
日縣掌印官率管操官祭旗纛於此遂合民兵操演如
法自此日始操三歇五兵分四班每季以一班應操
營三班在縣守備

舊志

地基為從前附近居民佔去十分之三知縣鄧悉行
清理從地藏閣出河路邊起丈自南至北土埂直長
一百七十一丈南自義塚下起丈至河岸土埂橫闊
一十五丈五尺北自土埂至河岸橫闊三十九丈舊
跋

南門塘

防兵五名

高車壩塘

防兵五名

賢女塘

防兵五名

鍋坑塘

防兵五名

以上四塘俱上水與大庾縣塘汎交界

詹前嶺塘

防兵五名

洋江澍塘

防兵五名

九牛塘

防兵五名

楓樹塘

防兵五名

三江口塘

防兵五名

以上五塘俱下水與贛州府贛縣塘汎交界

以上王

按葛志相安巡檢司弓兵四名潭口巡檢司弓兵四名王志明王志明壯五十名前後裁減二十名屬縣掌印官管附營帶操考明制天下各設衛所以養屯軍以軍隸衛又於要隘處設立巡檢故軍屯之外復有民兵民兵之外復有機兵弓兵之別洪武十三年罷民兵宣德五年以衛官職潛屯軍始專司輓運正統十四年復民兵所在官司率領操演遇警調用宏治十年每名給銀米兩貳錢始解民壯後偶機兵春秋二班操演

國朝設營弁駐防而兵制益釐然大備矣

南康縣志 卷之五

武事

南康介粵嶺之北往者兵戎旁午崗寇竊發邑境恆受其殃遐稽舊籍可覆按也然當戎馬生郊有備無患守斯土者安可不先事爲防哉溯自髮逆肆擾以來康邑捐資集勇敵愾同仇或戡定本境或援勦鄰封上報國恩下固疆圉洵足爲豫章上游之保障也已

秦始埜利越之犀角象齒翡翠明珠乃使尉屠睢發卒五十萬爲五軍一軍塞鐔城之嶺一軍守九嶷之塞一軍

處番禺之都一軍守南野之界一軍結餘干之水

淮南子

晉愍帝建興三年三月豫章內史周訪擊杜宏走之

愍帝紀

時命訪與諸軍共征杜弢弢將杜宏自廬陵敗走南康

南康太守虞潭將兵逆擊又破之

節周訪傳

杜駿將杜宏南

走廣州求討桂林賊自效王敦許之用為將遂見寵待

南康人何欽所居嶮固聚黨數千人敦就加四品將軍

節王敦傳

安帝義熙六年春二月始興相徐道覆寇南康陷之先是

道覆使人伐船材於南康山舟既辦順流寇南康廬陵

豫章皆陷時諸葛

長民率兵

入衛表曰妖賊伐船集木而南

康相郭澄之隱蔽經年罪合斬詔原之後道覆戰敗伏

誅

晉書通鑑紀事

宋泰始元年齊武帝蕭蹟從辟州西曹書佐為顓令江州

刺史晉安王子勳反帝不從命南康相沈肅之繫帝於

獄族人蕭欣祖門客桓康等破獄出帝肅之率將吏數

百人追擊帝與左右拒戰生獲肅之斬首百餘級遂率

部曲舉義兵

梁府元龜

梁武帝大同八年城人劉敬宮挾妖道惑眾聚黨數萬

攻郡轉寇南康屠縣邑內史張綰將兵討平之

舊志

簡文帝大寶元年正月始興太守陳霸先赴侯景之難次

大庾嶺路養將二萬人軍南埜以拒之霸先遣其前

軍杜僧明周文育大敗之

節杜僧明周文育傳

霸先進譟南康湘

東王繹承制授霸先交州刺史改封南埜伯於是修理

崎頭古城徙居之

陳武帝本紀

夏五月高州刺史李遷仕反遣杜平虜將兵逼南康霸

先將周文育擊走之李遷仕又自將兵將襲南康霸先

遣將往援破其軍平虜擒遷仕送南康斬之

舊志

侯景寇京師帝起義發兵自南康江水暴起數丈顓灘

三百里巨石皆沒遂進軍頓西昌

節南史陳高祖本紀

敬帝太平二年二月廣州刺史蕭勃舉兵自廣州度嶺頓

南康詔周文育督兵討之

陳武帝本紀

隋文帝開皇九年遣總管韋洸安撫嶺外陳將徐瑱以南

康拒守洸至嶺下不敢進

隋書

開皇十年詔裴矩鎮嶺南先是番禺王仲宣反遣將周師

舉屯兵大庾嶺矩行至南康得兵數千人遂度嶺平之

舊志

攷晉太康三年改廬陵南部為南康郡南康原為賴地李唐以後南康之名迺為南楚之專稱則隋大業以前凡稱南康似與南楚無涉其實南安未置之先南楚亦治於南康凡前所謂南康蓋合賴零南楚諸邑而言專稱南康者統所屬也又按南康亦嘗置縣則封國早不免于傳疑矣第即今之疆域攷之南

楚距顓不滿百里之半戎馬所馳驅芻糧所紓軸安得盡指為顓地哉仍錄之不欲過為分界墾子語也

唐武德七年改南康為大都督府統嶺外十一州九年復

廢府

按此事高祖紀所無府志

光啟元年春正月南康人盧光稠兵陷虔州

唐書本紀

自稱刺

史以里人譚前播為謀主

豫章書

所向克捷光啟初據虔

州天復中取韶州使其子延昌守之

十國紀年

是時江南嶺

表悉為吳與南漢分據而光稠獨以虔韶二郡請命於

京師願通道路輸貢賦太祖為制百勝軍以光稠為防

禦使兼五嶺開通使

五代史

是年詔招撫秦宗權責租賦

於光州刺史王緒緒不能給宗權怒發兵擊之

通鑑

王緒

率眾南奔所至剽畧自南康入臨汀陷漳浦

五代史

保太元年

晉天福八年

冬十月嶺南妖賊張遇賢自號中天八

國王改元永樂羣盜皆絳衣問神所向神曰當過嶺取

虔州遂襲南康節度使賈浩不能禦遇賢據白雲洞造

宮室有眾十餘萬連陷諸縣元宗遣洪州營屯虔侯嚴

思

十國春秋作嚴思南唐書作嚴思禮

通事舍人邊鎬率兵攻之遇賢問

神神不復語羣盜皆思遂執遇賢以降

五代史南唐世家

紹興三年虔吉道寇掠南安諸郡詔岳飛討平之

府志

二十二年虔卒齊述變逐守臣攻南安屬剗南康前御史

田如鰲入城

贛志

元世祖二十五年以連年盜起免南安瑞贛三路逋稅

宏簡

錄

二十七年八月以南安贛建昌豐州罹鍾明亮之亂悉免

田租元史

二十一年僭竊蕭招討據南康府志

成宗元貞元年乙未夏六月吉贛南安等處蠻寇竊發以

軍民官備禦不嚴撫字不至皆責而降之元史本紀

明永樂四年征南大將軍朱能副將軍張輔出大庾嶺討

黎蒼檄南安所軍從師府志

正德十一年以王守仁巡撫南贛汀漳等處是時南中盜

賊蜂起謝志珊據橫水左溪桶岡池仲容據泃頭皆稱

王志珊合樂昌賊高快馬等掠大庾攻南康明史王守仁傳十

二年十月提督南贛等處軍務王守仁率兵千餘自南

康進剿橫水桶岡洞寇謝志珊等先是分遣都指揮許

清率兵自南康新溪入知府邢珣唐湛季數伍文定知

縣王天與張戢指揮郝文縣丞舒富各率兵分道並進

出師凡兩月平賊巢八十四處

舊志

嘉靖十六年冬十月從王浚議復設南贛各縣捕盜主簿

豫章

書

嘉靖三十一年冬和平岑岡賊李文彪流劫大庾南康崇

義都御史張烜督兵討平之

舊志

四十年四月流寇入嶺劫大庾知府周鏜敗之賊走南康

至吉安臨江

舊志

國朝順治三年丙戌正月十七日山寇閻羅宋全夥往贛受

撫由龍迴堡至邑之水南東門外駐紮十八日退塘江

先是閻賊未受招撫在瑞金興國信豐等邑搶劫時有

贛州萬勝營遊擊謝知良兵堵截故賊不敢縱行

按明史唐

王於是年正月加萬元吉總督諸軍兼巡撫至贛守吉
安吉安破元吉入贛又按長寧志順治四年粵寇謝志
良糾黨數萬圍長寧月餘知縣錢奇嗣率十營土兵乘
賊持久氣怠出城擊殺之今按贛志止有萬元吉各無
萬勝營號所稱萬勝營疑即萬元吉之誤謝知良疑即
長寧志所稱之謝志良或因兵敗降元吉有功授遊擊
官或既降復反後爲自去年南都淪陷徹萬勝兵以鎮
奇嗣擊殺姑錄俟攷

建吉吉南空虛賊始大肆九月入南康龍迴堡至賢女
鋪十月總兵曹志建至龍迴堡嗣有副總兵羅纓奉永
寧王令招撫閭賊賊乃陽爲受撫而陰愈猖獗始不復
畏官兵矣今年正月復由鳳凰城等處入龍迴堡散行
擄掠十五日黎明突至水南城中尙不知有閉門睡者
時有五陂學前二處鄉兵倡義遏賊行至馬山戰潰賊
亦不敢渡水薄城但擄男婦百餘殺廩生黃榜退踞龍
迴是日黃昏潛由小南山渡水散劫綠田龍潭菴等處

城中一夜驚惶邑令始發火炮數枚硝磺數斤令各門施放然皆朽壞不可用次早分刼鹽前店洋江澚一帶由脫頭石渡水復返龍迴被北門外民趕殺奪回婦女六口西門郭秀才見賊止二百餘糾眾六七百人開城擊之至南山下爲伏賊所敗郭建名等十六人皆歿於賊適有偏阮巡撫田闢帶官兵從上猶抵南康人心稍定十七日三鼓有賊數人來語各營云率全夥投贛就撫約勿施放炮石黎明大股分抵城下田御史移兵駐西門外防之先受招撫之羅魏二目駐南門外而閹賊則分據水南及東門外民房殆徧城中見賊數萬皆棄守器潛逃田御史患之語典史宋本忠曰閹賊意欲攻城不若以千金退之於是本忠徧傳田諭鄉紳富室歛

金三百兩餽賊賊乃於十八日退踞塘江燒水南及城東北民房殆盡擄男婦數百人尸骸山積而石塘被害尤慘賊踞塘江時巡道彭期生給諫曾應遴親詣賊營送冠帶禮物撫之後賊雖云受撫而焚殺如故當事亦卒無如何至二月初九日移踞贛邑黃金村始離南康境地其後事在贛州

舊志載邑人王仁嗣記事

順治三年丙戌十月定南安是年四月

大兵已抵贛唐王猶稱帝於粵陸續發鞭兵蒲兵水師至

贛營於城外水師帥羅明受

一作羅亞夫

屯南安八月

大兵聞水師至夜截諸江焚巨舟火葯戎器盡失諸軍不戰潰十月初四日

大兵克贛城時南埤葉之春招兵號南營奉調剿蘇溪叛

人糾眾萬餘由南安至南康界之黃金高樓遇

大兵殲之其同族葉南芝亦糾眾數千至南安率隊逃回

十月初十日

大兵遂臨南安城其間民多有死難不屈者軍旅之後繼

以凶疫郡屬戶口自是漸凋耗云

府志參
贛志

五年山寇閻羅宋侵犯郡邑官軍討平之是時郡邑皆爲

恢復之名所誤里井空虛兼

大兵道嶺取粵馬牌一役最苦糧戶皆棄家遠竄至辛卯

稍靖而地當孔道人少差繁且兵強民弱至十八年范

時秀來爲郡守饒強梗省徭役詳革馬牌地方漸有起

色士民至今思之

府志

是年正月金聲桓王得仁據南昌反率兵圍鎮進迫南